

宋十五家詩選

敘

詩道之由來久矣昔敝於
舉世皆唐而今敝於舉世
皆宋舉世皆唐猶不失辭
華聲調堂皇絢爛之觀至
舉世皆宋而空疎率易不

復知規矩繩墨與陶鑄洗
伐爲何等事嗟乎此學宋
詩者之過也蓋宋之與唐
其詩之所以爲詩原未嘗
異特以其清真超逸如味
沆瀣者陋膏粱遊蓬閬者

厭都邑故足貴耳今不得
其所以至而徒踵其流失
以文其不學而便於應酬
宋詩豈任其咎乎夫地用
莫如輿水用莫如舟古未
有易也然而子列子御風

而行十有五日而返舟車
乎哉楚霸均乘吾桂舟駕
吾玉車而朝乎閬風夕乎
不周舟車矣猶夫舟車乎
哉無待者神於詩有待而
未嘗有待者聖於詩誠齋

之論詩爲最上一層言也
今有人焉跬步不能越尋
常而曰吾舍吾舟車而翺
翔焉而游泳焉其不顛躓
沒溺者幾何昔蘇長公教
人作詩曰字字覓奇險節

節累枝葉又曰泐度泐葑
軌陳後山亦云要當攻石
堅勿作搏沙散卽陸放翁
詩至萬餘言疑其無復持
擇而改詩鍊句每形篇什
夫三數公之於詩亦子列

子楚霸均之於舟車也而
其言顧如此今以什伯遠
遜古人之才而簡弃澆度
鹵莽滅裂顧欲藉口古人
陷於淪胥而莫之追多見
其不知量矣然則天下未

嘗無冷然而善之風與夫
桂舟玉車也而不得其所
以駕御而乘之其害至於
顛躓沒溺此打油釘鉸之
所以譏爾今誠如古人所
云學詩如學仙時至骨自

換由舟車之有待以幾於
無待焉則凡也而超乎聖
技也而進乎神矣不但得
宋詩之所以至而且可以
自爲至將唐亦可宋亦可
卽獨闢蠶叢別開境界以

與唐宋相鼎足亦烏乎而
不可而奚至承流踵失如
世俗云云哉今十五家之
詩具在皆宋之聖於詩神
於詩者也有志之士熟讀
而深思之其以斯編爲津

梁也夫

岢

康熙癸酉上巳海昌陳訐
言揚氏書于師簡堂

發凡

宋人詩集世難多覲若總選一代不但網羅匪易卽諸大家詩亦罅漏必甚蓋以體爲經以人爲緯則一體之中多不過每人數十首而止其餘佳者豈不汰去可惜且古人一生精神反因選而晦矣然近本或每集選錄者旣苦卷帙繁重若專選一集者又覺固陋不廣茲十五家係宋一代眉

目錄
目悉從全集選定或多至千篇少亦不下
百餘首學者可以各隨所好沉酣一家博
通衆妙剖蚌見珠鑿石得玉旣無鮮陋之
譏亦不致涉海登山徒歎浩汗矣

唐代詩人如李杜劉韋元白韓杜溫李諸
公向有專集行世膾炙旣久總選不妨精
約二者並行不悖至宋人全集歐蘇而外
世卽罕覩茲十五家雖去取頗嚴然鴻裁

鉅製已無復遺幾與孤行全集埒將來擬
事宋詩總選第搜購不易藏書家凡有宋
人詩集或借或售尚望助予

讀書必須論世故集中諸公姓氏爵里俱
抄撮宋史舊文其宋史所不載者間取集
前序傳節錄於前大約與鑑古堂詩鈔序
大同小異雖行事不能備載亦可備參考
資尚論也

昔人論詩雖歎知心賞音之難然文章自有定價非愛憎所能高下則古人詩評亦詩家之權度也故每家詩必載昔賢一二評語於前且附管見以資一得至於細批圈點概不增設使學者熟讀深思自能融會貫通淡知其妙則性靈油然而生真詩出矣

選詩有分體者如史家之紀傳有分集者

如史家之長編最下乃有分類先後倒置如蘓長公遊金山寺及焦山二詩同時所作明有次第乃以焦山詩入山水類置之

前卷以金山寺詩入寺觀類反置後卷作者語氣神理都失茲選悉照原集善本不分體類以作者之先後爲先後庶古人學問境遇約畧可溯其原本分正集續集及自分體者亦悉依舊刻不敢穿鑿附會

十五家詩每去取俱經數次斟酌間有四
五丹黃者閱歷寒暑黽勉竣事至曾南豐
蘓轍城王梅溪文文山暨先菊磻處士近
選絕少茲悉購全集採錄表彰散逸更與
日月爭光發潛闡幽尤爲快事今臚次十
五家左方

梅聖俞

堯臣

歐陽文忠

修

曾南豐

鞏

王臨川

安石

蘓東坡

軾

蘓樂城

轍

黃山谷

庭堅

范石湖

成大

陸放翁

游

楊誠齋

萬里

王梅溪

十朋

朱文公

熹

高菊礪

翥

方秋崖

岳

文文山

天祥

宋十五家詩選

東海 陳 訐

梅堯臣

字聖俞宣州宣城人以廩爲河南主簿畱守錢惟演甚嗟賞之歐陽修與爲詩友自以爲不及歷德典令知建德襄城縣監湖州稅食書忠武鎮安判監永豐倉大臣薦宜館閣台試賜進士出身爲國子監直講累遷尚書都官員外郎預修唐書書成未奏而卒詩有宛陵集

歐陽文忠公云聖俞生平苦於吟咏以閑遠古淡爲意故其構思極艱又云知聖俞詩者莫如某然聖俞平生所自負者皆某所不好聖俞所卑下者皆某所稱賞知心賞音之難如是龔嘯云去浮靡之習於昆體極弊之際存古淡之道於諸大家未起之先此所以爲梅都官詩也許彥周云梅聖俞詩句之精鍊古體如朱絃疏越一唱三嘆讀者當以意求之劉後邨云本朝詩惟宛陵爲開山祖師宛陵出而後桑濮之淫哇稍息風雅

宛陵詩選

之氣脈復續其功不在歐尹下

胡荅溪云

聖俞日課一詩寒暑不易聖俞詩名滿世蓋

身試此說之效耳

耀翁云聖俞詩如關河

放溜瞬息無聲

嚴滄浪云國初詩尚沿襲

唐人梅聖俞是

學唐人平淡處

都官詩峻削瘦硬咀嚼之真有無窮之味歐

陽公寄詩云初如食橄欖真味久愈在干載

下讀之尤信歐陽公與都官善世比之韓

孟二公亦頗以自况然歐公固不愧韓若都

官視孟魄

力更倍矣

秋日同希溪昆仲遊龍門香山晚泛伊川觴咏久之

席上各賦古詩以極一時之娛

落日川上好徘徊弄孤舟鳴榔進山口清唱發渡頭淺瀨

不可泝停橈信中流山樽對蒼翠溪鳥自沉浮濯足破嵐

影採菱臨芳洲千龜晚烟寂雙壁紅樹秋細細石間泉搖

搖波際樓澄潭若瀉鑑萬象已盈眸康樂足清尚惠連仍
此遊摘景固無遺揮筆曾未休醉來同淵明興盡殊子猷
歸傍漁梁靜行看夜火幽露華初滴滴夜吹何颼颼不犯
嚴城漏誰言憐近丘

子聰惠書備言行路及遊王屋物趣因以荅

自我河橋來清話殊未已亟言閣通疇晨駕遂遵彼尺書
忽見遺經由皆可紀艸艸始辭家匆匆渡河水前邨客心
速入暮陰風起修路隘且長疲驂未能止茅居聒夜春寒
犬吠墟里明發西北行崗巒踰迤邐叢蓁但蒙密未見山
中美谷開逢邑閭豈謂連都鄙冠帶一二同磨礪左右比
問子奚所之挽眉聊啟齒暫往登天壇烟雲隨步趾傍臨

日觀低却望嵩丘。邇屑屑視塵埃紛紛若螻蟻。便有林壑
心期將榮宦委我昔愛青蒼無時常徙倚。今朝羨君遊勝
事空聳企徒嗟黃綬身莫接青霞軌。安得憑羽翰幽懷寄
如此

路中月夕登霽景臺與唐英話別

風枝不動月光午。況是高臺過新雨。吳客方思千里歸。不
負洛陽塵與土。到時水落鰕魚肥。香稻初炊鱸紅縷。休言
辛酪敵尊羹。我亦長吟念東楚。平明馬嘶誰可留。去去相
望富春渚

河陽秋夕夢與永叔遊嵩避雨於峻極院賦詩及覺
猶能憶記俄而僕夫自洛來云永叔諸君陪希深祠

岳因足成短韻

夕寢北牕下青山夢與尊相歡不異昔勝事却疑今風雨

幽林靜雲州古寺淡

此二句夢中得

攬衣方有感還喜問來音

希淡惠書言與師魯永叔子聰幾道遊嵩因誦而韻之

聞君奉宸詔瑞祝疑靈岫山水聊得游志願庶可就豈無
朋從俱況此一二秀方新建春陌十刻殘晷漏初經緱氏
嶺古柏尚鬱茂却過轅轅關巨石相撐闕夕齋禮神祠法
袞被藻繡畢事登山椒常服更短後從者十數人輕齋不
爲陋是時天清陰力氣勇奔驟雲巖杳虧蔽花艸藏澗竇
傍林有珍禽驚聒若避殼盤石暫憩休泓泉助吞漱土甌

玉女腮顰絕非可構下玩搗衣襖焜耀金紋透尹子體雄
振攀緣逾習壯歐陽稱壯齡疲軟屢顛踣競歡相扶持苦
屬資踐蹂八仙存故壇三醉孰云謬鄙哉封祝碑數子昔
鐫鏤偶誌一時事曷虞來者訴絕頂瞰諸峯隘然輕宇宙
遙思謝塵煩欲知羣鳥獸韓公傳石室聞之固已舊當時
興稍衰不暇苦尊究東崖暗壑中釋子持經呪于今二十
年飲食同猿狖君子聆法音充爾溢膚腴嘗期躡屐過吾
儕色先秋韻叶遂乖真諦言茲亦甘自咎中頂會幾望涼斲
船如畫紛紛坐談謀艸艸具觴豆清露溼巾裳誰人苦羸
瘦便卽忘形骸胡爲戀纓綬或疑桂宮近斯語豈狂贅歸
來遊少室峭崿殊引脰石室迢遞過揆訪仍邂逅捫蘿上

岑遠僊屋何廣袤乳水出其間涓涓自成溜凡骨此熏蒸
靈真安可覩霞壁幾千尋四字侔篆籀咸意苔蘚文誠爲
造化授標之神清洞民俗未嘗遽忽覺風雨冥無能久瞻
扣匆匆遂宵征勝事皆可復俚歌縱喧譁怪說多駁糅凌
晨關塞陽追賞顏匪厚窮極四百里寧憚疲左右昨朝書
報予聞甚醉醇耐所嗟遊遠方心焉倍如疚

依韻和希溪新秋會東堂

何必水周堂條然萬木涼朋簪茲共樂節物自迎商巧笑
承歡劇新詞度曲長驂鸞悲霧扇泛蟻醪雲漿並帶欄房
熟連叢桂葉香人初投轄醉客甚慘樞狂鬢約寒鴉碧水
輕舞蝶黃流波閑任注錯席豈依行甕甕談寧倦厭厭夜

未央良時誠可惜清燕此無荒

河南張應之東齋

昔我居此時鑿池通竹圃池清少游魚林淺無棲羽至今
寒牕風靜送枯荷雨雨歇吏人稀知君獨吟苦

魏屯田知楚州

淮南木葉驚淮上使君行天外高帆出沙頭候吏迎夜潮
通廢垓秋月滿孤城正遲文翁化從來楚俗輕

和才叔岸傍古廟

樹老垂纓亂祠荒向水開偶入經雨踏古屋爲風摧野鳥
棲塵坐漁郎奠竹杯欲傳山鬼曲無奈楚辭哀

新安錢學士以近詩一軸見貺輒成短言用叙單悃

早事太尉府謬以才見論身作邑中吏日陪丞相尊嵩山
雲外寺伊水渡頭邨泉味入香茗松色開清樽題詩人半
醉馬上景已昏歸來屬後乘冠蓋迎國門悠悠失貧賤再
再歷涼溫而今處窮僻落寞思舊恩終日自鮮適終年長
不言已覺人事寡惟聞鷄犬喧東風有來信滿幅蘭與蓀
淡知故人意遣我滌冥煩一章言卷盡緒好如日存何須
到雲壑便若遊花源一一先造化可以輕瑤琨成誦今在
口願將醒病魂

夏雨

林梅初弄熟密雨閉重關潤衰衣巾上涼生竹樹間水聲
通遠澗雲色暝前山野鳥寂無語公庭盡晝閒

觀放鶴子

白哲少年子秋郊臂蒼隼日暖儀自開風微雙翅紫艸際
鳴鶴驚蒿間黃雀窘下韉誠必獲得雋還復哂碎臍此非
辜食肉爾何忍取樂在須臾我心良惻憫

採白朮

吳山霧露清羣艸多秀發白朮結靈根持鋤採秋月歸來
濯寒澗香氣流不歇夜火煮石泉朝烟徧巖窟千歲扶玉
顏終年固玄髮曾非首陽人敢慕食薇蕨

失鷓鴣

愛玩日已久開籠爲馴故點臆雪花間連袂浪紋素鉤輻
格磔鳴鶴耗翻翁去誰知烟渚淡綠水修篁處

徐元興見邀與諸君同遊至峯山溪上作

春霽重行行行在墟里攄懷厭樓觀寓興欣山水斷壁
翠連雲寒流清見底主人開綠樽下馬臨芳芷澄瀉瀉灣
潛跳波生石齒園林始弄萼臯隴時鳴雉談諱忘機心笑
言驚俗耳曠哉茲日遊何羨稽山美

和元興遊春次用其韻

乘閑多遠興信馬與君行碧樹斜通市清流曲抱城山花
高下色春鳥短長聲日暮吾廬近還歌空復情

送馬延評之餘姚

越鄉知勝楚君去莫辭遙曉日魚鰕市新霜橘柚橋河流
通海道山井應江湖近邑逢鷗鳥先應避畫橈

送張子野秘丞知鹿邑

忽作五年別相逢雙鬢疎不知從此去當見復何如公秣
時爲酒晨庖日有魚沛譙風物美聊以樂琴書

九月都下對雪寄永叔師魯

陰風中夜鳴密雪逗曉積誰言有蓬巷但見鋪瑤席忽憶
在山中開戶羣峯白當時吟不厭盡日坐巖石徬徨懷故
人憔悴爲遷客欲泛剡溪船路長安可適

依韻和劉敞秀才

安得采虛名師道欲吾廣雖然存術業曾不計少長孔孟
久已亡富貴得亦儻後生不聞義前輩懼爲黨退之昔獨
傳力振功不賞舌吻張洪鐘小大扣必響近世復泯滅務

學多忽恍今子誠有志方駕已屢枉自慙懷道淺所得可
下上正如種青松而欲託朽壤典冊皆可尋聖言皆可仰
幸無增我過此語固不爽

南隣蕭寺承夜訪別

憶作偶相親相親如舊友雖言我巷殊正住君家後壁裏
射燈光籬根分井口來邀食有魚屢過貧無酒明日定徂
征聊茲酌升斗宵長莫惜醉路遠空迴首

曲渚橋送張秘校赴慶州幕

野客伐山桂橫爲曲渚橋勢危寧過馬徑狹欲通樵小艇
何妨繫離魂正此銷想君迴首處虹影在林樾

西禪院竹

古寺帶修岡，青蔥萬竿立。春梢長舊林，夏雨溼新綠。幽禽
嘯呼雜晚照，陰晴續解帶。欲忘歸壺觴，歡自足。

新霽望叟笠山

謝紫微
坐中賦

北望直百里，峩峩千仞青。斷虹迎日盡，飛雨帶龍腥。陰壑
烟雲畜，陽崖艸木靈。登臨終不厭，時許到茲亭。

代書寄歐陽永叔四十韻

始謫夷陵口，當居建德年。一書寃逐客，四詠繼稱賢。自謂
臨江徼，相逢莫我先。白醪封畫榼，紫鯉養泓泉。戒吏收山
栗，呼童惜沼蓮。只期東浦過，共醉小溪邊。日日占風勢，時
時到水堧。安知貪挂席，不肯暫迴船。白爾皆無定，歸歟亦
未然。措程幾一月，涉險歷三千。魚鳥都難問，音塵杳莫傳。

因之走羸僕試與訪南遷比及過牛峽還聞迎璧田報言
雖不獲吉語喜多全我解歸堯闕君移近漢淵問途曾未
遠命駕亦何緣衰野今行矣隆中有待焉鄉亭瓜接畛風
化蟻同羶卽欲朋簪盍翻爲俗事牽愛嬰嬌啞啞嗜寢腹
便便鷄黍煩爲具輪轅豈得前寄聲勤以謝幸子恕而憐
來貺誠爲望論情恐未捐嘗親馬南郡果謁謝臨川遂得
窺顏色重忻論簡編聊咨別後著大出篋中篇問傳輕何
學言詩詆鄭箋漂流信窮厄撲討愈精專道舊終忘倦評
文欲廢眠寧知主人貴但見左魚懸所至同風月相歡憶
澗瀟清歌嗟在耳素髮怪侵顛翠堞時登眺芳洲屢泝泓
難醒撥醅醪殊厭落頭鮮坐竹聽啼鳥臨流聒嘒蟬孤亭

起歸夢南陌去揚鞭出錢陪雙旆方靳歷廣鄜始生山吏
散頗釋利途邇會面辭何吐離席事已填空餘郡樓望野
色際平烟

和謝舍人新秋

西風一夕狂古屋吹可恐微變蜻蛚吟斗摧蚊蚋勇朝驚
露墜梧遠愛雲飛隴還憶舊溪遊水清魚箔壅

朔風寄永叔

朔風皞枯枝遠鴈不能起日色寒無光原野澹千里所思
在南國返路濶音旨潛鱗亦安託冰結長河水戢戢既未
泮獵獵終不已悠然傷我心歷亂非可擬

永叔寄澄心堂紙二幅

昨朝入自東郡來古紙兩軸絨縑開滑如春冰密如繭把
玩驚喜心徘徊蜀牋脆蠹不禁久刻楮薄慢還可哈書言
寄去當寶惜慎勿亂與人剪裁江南李氏有國日百金不
許市一枚澄心堂中惟此物靜几鋪寫無塵埃當時國破
何所有帑藏空竭生莓苔但存圖書及此紙輦大都府非
珍瓊于今已踰六十載棄置大屋牆角堆幅狹不堪作詔
命聊備寵使供鸞臺鸞臺天官或好事持歸秘惜何嫌猜
君今轉遺重增愧無君筆札無君才心煩收拾乏置積日
畏椿裂防嬰孩不忍揮毫徒有思依依還起予山哀

田家

高樹蔭柴扉青苔照落暉荷鋤山月上尋徑野烟微老叟

扶童羣鹿牛帶犢歸燈前飯何有白薤露中肥

魯山山行

適與野情愜千山高復低好峯隨處改幽徑獨行迷霜落
熊升樹林空鹿飲溪人家在何許雲外一聲鷄

送師厚歸南陽會天大風遂宿高陽山寺明日同至

姜店

往日送子春風前春風酣酣杏正妍今來送歸秋風後秋
風撼撼沙蒲川馬鬣斜傾毛瑟縮馭吏噤聲足後先弊裘
吹裂寒入骨枯株磨戛火欲燃忽逢古寺出巖腹與君下
馬相留連殿堂高下就山勢松柏森聳侵雲巔長廊落葉
卷若掃丈室垂幔翻如褰像塑神母乳九子抱攜撫玩皆

可憐却令遠客自生念欲見幼稚心煩煎擁爐對坐日昏
黑龕燈共借僧榻眠雖然覆水冷如鐵不及在家貧無羶
曲肱難寐要天曉兩股凍痺仍筋攣根根殘夜木魚響起
看昂卑頭西纏怒號斗息東方白童僕整肅吾將還老僧
掃壁持筆硯請予強此題歲年出門並轡至山店茅屋揭
盡餘尺椽又據胡牀一談笑君不解飲聊開筵程次都無
五百里篋中可乏一囊錢拂衣頻起畏日景應恐慈母心
懸懸顧我便當江海去却思此地何由緣

依韻和永叔子履冬夕小齋聯句見寄

遙知夜相過對語冷無火險辭鬪尖奇凍地抽笋筍墜成
欲寄誰談極惟思我學術窮後先文字少許可敢將蠶測

海有似脂出輒必餓嘗見憂此病客又果弊駕當還都重
門不須錄到時春怡怡萬柳枝娜娜定應人折贈只恐絮
已墮行案且不貧明珠藏百顆永叔嘗見嘲謂自古詩人
率多寒餓顛困屈原行吟
於澤畔蕪武哨雪於海上杜甫凍餓於耒陽李白窮溺於
宣城孟郊盧仝栖道路似子之才必類數子今二君又
自爲此態而反有
飯顛之謂何耶

和師直早春雪後五壠道中作

來尋谷口春正值陰雲結日暮冰霰繁宿亭孤飯設侵晨
登壠去始見羣峯列艸凍未抽心松枯猶抱節川傍認飛
鷺林上墜殘雪何意待芳霏遲留未堪折

依韻和師直晚步徧覽五壠川

窮覽川原勝經行未厭頻樵溪但聞斧谷暖自留春臨水

何妨坐看雲忽滯人誰家烟塢裏竹樹遠相隣

宋著作寄鳳茶

春雷未出地南土物尚凍呼譟助發生萌穎強抽其團爲
蒼玉璧隱起雙飛鳳獨應近臣頒豈得常寮共顧茲實賤
貧何以叨贈貢石碾破微綠山泉貯寒洞味餘喉舌甘色
薄牛馬潼陸氏經不經周公夢不夢雲脚俗所珍烏觜誇
仍衆常常濫盃隄艸艸盈罍甕寧知有奇品圭角百金中
秘惜誰可邀虛齋對禽哢

西湖閑望

夏景已多趣湖邊日更佳園葵雜紅紫岸柳自欹斜雨氣
收林表城陰接水涯愛閑輸白鳥盡日立汀沙

舟次朱家曲寄許下故人

藹藹桑柘岸喧喧鷄犬邨晚雲連雨黑秋水帶沙渾稍聽
隣船語初分異土言雖蹉遠朋友日喜近田園

弔石曼卿

前時京師來對馬嘗相揖埃塵正滿衢笑語曾未及雖然
恨莫親往往聞風什星斗交垂光昭昭不可挹獨哦秋露
中豈顧衣裘溼酒盃輕宇宙天馬難羈繫今朝我還都但
見交朋泣借問泣者誰曼卿魂已蟄堂堂豪傑姿遂爾一
棺哉君生寒月明君沒寒月入月入還復升精魄寧未集
孤墳細艸遍翠碣嗟新立

醉中留別永叔子履

新霜未落汴水淺輕舸惟恐東下遲
遶城假得老病馬一步一跛令人疲
到君官舍欲取別君惜我去頻增嘻
便步髭奴呼子履又令開筵羅酒卮
逡巡陳子果亦至共坐小室聊伸眉
烹鷄庖兔下筋美盤實釘飪栗與梨
蕭蕭細雨作寒色脈脈盡醉安可辭
門前有客莫許報我方劇飲冠憤歎
文章或論到淵奧輕重曾不遺毫釐
問以辨詐每絕倒豈顧明日無晨炊
六街禁夜猶未去童僕竊訝吾儕癡
談兵究弊又何益萬口不謂儒者知
酒酣耳熱試發泄二子尚乃驚我爲
露才揚已古來惡卷舌噤口南方馳
江湖秋老鰕鱸熟歸奉甘旨誠其宜
但願音塵寄鳥翼慎勿却效兒女悲

赴零仁君有詩相送仍懷舊賞因次其韻

湖山饒遼處曾省牧之遊鴈落葑田濶船過菱渚秋野烟
昏古寺波影動危樓到日尋題墨猶應舊壁畱

金山正芝二僧攜茗見訪

一遊江山上日日吟不足雙錫忽來過衣霜帶初旭況能
持茗具向此烹新綠中濡水若飴北焙花如粟還將塵盧
滌自愧冠纓束何以報勤勤馳奴扣空谷

胡武平遺牡丹一盤

疇昔居洛陽看盡名園花臨水復蔭竹艷色照彤霞良友
相與至競飲歡無涯而今猶老翁鬢髮但未華昨日到湖
上碧水涵蒲芽此情頗已慙薄宦非初嗟况乃蒙見憐帶

雨摘春葩雖無向時樂惠好仍有加

依韻和武平九月十五日夜北樓望太湖

東吳臨海若看月上青冥河漢微分練星辰淡布螢細烟
沈遠水重露裊空庭孤坐饒清興惟將影對形

凝碧堂

始至荷芰生田田湖上密復常花競時艷色凌朝日今來
蓮已枯碧水墮秋實更待雪中過羣峯應互出樽有綠蟻
醅俎有蘋壺橘可以持蟹螯逍遙此居室

美蔭亭

野邨仍翦茅當此茂林下晴暉葉上明翠影盃中瀉鮮風
時颼颼輕裾自蕭灑固殊嵇生鍛曷慕巖栖者

陪武平游雅上人房卞峯亭

晚愛池上清羣峯對簷隙常恐雲氣生坐令蒼翠隔復繞
曲塘陰映日孤花拆誰知禪者居來伴使君適

依韻和武平別後見寄

溪遠櫓危一望遙此焉悽絕府中僚已同鴈鶩依清淺共
看鸞皇上沈寥別岸無端紫細柳迴舟不忍過新橋醉來
事事能生感誰道愁腸酒易銷

偶書寄蘓子美

君詩壯且奇君筆工復妙二者世共寶一得亦難料我今
或盈軸體逸思益峭有如秋空鷹氣壓城雀鶴又如飲巨
鍾一舉不能酬既酬心已醉顛倒視兩曜吾交有永叔勁

正語多要嘗評吾二人放檢不同調其於文字間苦硬與
惡少雖然趣尚殊握手幸相笑

送蘇子美

勇爲江海行風波曾不懼但欲尋名山扁舟無定處南有
鵬若鴉嶮有石如鋸毒艸見人摧短狐逢影怒不避尚苦
乖更遠饒瘴霧東土乃濱海蜃鼉仍可怖殺物怪瑣屑羸
蜺固無數鹹腥損齒牙日月復易飲二方旣若此往矣無
久駐竟當西北來醉耐炙肥羜夏不厭漿酪冬不厭雉兔
勿言專口腹口腹人所務天令信奇偉石橋非坦步廬岳
趣最幽饑腸看瀑布此致雖爲高實亦難久慕若行聽我
言不聽到應悟

寄洪州致仕李國博

湖上悠然度幾春
勇拋榮祿遂天真
青蒲翠竹圍華屋
白酒黃雞命里人
果下有時乘小駟
兒曹方見擁朱輪
田園歲入千鍾美
肯似疏家苦畏貧

陳繹越州從事

毋夫人老毋兄黜
夫人從爾之會稽
恐傷爾心不敢泣
春崗細雨聞竹雞
時亦藏淚未出臉
奈何相與頭傾低
誠知就祿非獲已
應欲退耕無舊畦

辛著作知西京永寧

躍馬西畿令家塾
在洛陽衣帶寒食
雨花發故宮牆
冷淡鳩鳴屋
寬閑水滿塘
送君悲漸老
空憶釣伊觴

依韻和師厚別後寄

吾與爾別未及旬，吾家依舊甌生塵。
閑門不出將誰親？自持介獨輕貨珍。
盤餐豈有鹹酸辛？苦吟暇寢昏繼晨。
夜光忽怪來何頻？採拾若在滄浪垠。
和者彌寡惟陽春。

冬夕會飲聯句

與君數夜飲，惟恐酒盞空。
今我苦欲淺，堯臣語志難此同。

陳編脩歡適

謝景初

問誰何？魁雄婢子寒且倦。堯臣主人

哦不窮，燈青屢結花。

景初

煎響時鳴蟲，穴鼠暗出沒。堯臣

風鴈高雅容，冰霜覆瓦屋。

景初

貂狐輪貴翁，孤牀乏暖質。

堯臣

苦語有淡工，咀嚼患尚小。

景初

煨炮驚散紅落蟾，斜

入窺

堯臣

遠漏微遞，風醉心欺睡魄。

景初

細書刺昏腫，叫

呀聞爭犬哮吼厭啼噪撥火亂頰豆附炙雙彎弓乾果硬

迸齒

堯臣

寒齏酸滿胸枯岭壁無肉淡脯燒可褻語必造

聖賢樂已過鼓鐘紙牕幸未曙

景初

絮被令旋縫凍痺兩

股鐵跑抓雙鬢蓬脰尿旣懶溺虱惟欲烘器皿足缺醫

捧執無天稷兒女寒不寢

堯臣

僮僕困欲嘗豈無貴富徒

笑此機寒蹤丈夫固有負道義久已充墨子不黔突齒輩

且得封勉哉梅夫子寒者終自通

景初

郡閣閱書投壺和呈相國晏公

較量人世無窮樂羅列平生未見書聊奉投壺祭征虜休
言擊劍馬相如壽樓晚去聞寒角縹帙看來落盡魚目獲
謫言皆舊學不慙貧賤帶經鋤

擬杜甫玉華宮

松溪溪色古中有鼯鼠鳴廢殿不知年但與蒼崖平鬼火
出空屋未繼華燭明暗泉發虛竇似作哀絃鳴黃金不變
土玉質空令名當時從輿輦石馬埋棘荆獨來感舊物煎
懷如沸羹區區人世間誰免此虧盈

和謝仲弓廷評新理北園

園吏乘冬和荷鋤去宿莽主人因其勤築土截荒壤移枯
復窳缺剗徑就平廣東北倚高城巖險不可上愛彼林木
深便爲丘壑想更待春風歸日揆花卉長但願多置酒應
得時一往

依韻和許發運真州東園新成

疏鑿近東城蕭森萬物榮
美花移舊本黃鳥發新聲
曲閣池旁起長橋柳外橫
河渾遠波漲雨急斷虹明
雲與危臺接風當廣廈清
朱簷看自躍翠柏種初生
香艸猶能識山苗未得名
南峯及西嶺常共酒盃平

四月二十七日與王正仲飲

我來自楚君自吳相遇汎波街舳艫
時時舉酒共笑樂莫問罍盎有與無
醉憶曩同吾承叔例冠落佩來西都是時
豪快不顧俗留守贈榼少尹俱高吟持去
擁鼻學雅閑付唱纖腰妹山東腐儒漫側目
洛下才子爭歸趨自茲離散二十載不復更
有一日娛如今舊友已無幾歲晚得子欣爲徒

和江都幾詠雪二十韻

十一月將雪寒誰計有無雲橫凍鵬翼霰集泣蛟珠萬里
風爲使千門玉作樞縞衣來自鄭濤驚卷從吳積甲聞熊
耳觀鵝入越都庭槐高靡腫屋蓋素模糊聘巧能藏醜論
功解飾枯巢禽皆白鳳來歇必騶虞遼俗多誇豕燕丹久
望烏祖裘無壯臂附火念焦醢歌竹休王蒲餐毛活使蕪
亡羊何可問別鶴不應孤靡密同脂網縈回似舞蛛漸淡
由片片取重木銖銖日月方收照乾坤不辨隅雖輕自相
壓更潔亦終淪饑虎僵幽谷游龍脫勁鬚佳人調蜜蔗公
子擁貂狐共是空囊客曾非暖席儒黃昏特過我興與興俱興

同蔡君謨江隣幾觀宋中道書畫

君謨善書能別書宣獻家藏天下無宣獻既歿三子立漆
匣甲乙收盈厨鍾王真蹟尚可觀歐褚遺墨非因模開元
大曆名流夥一一手澤存有餘行艸楷正大小異點畫勁
宛精神殊坐中鄰幾素近視最辨纖悉時驚吁逡巡蔡侯
得所得索硯鋪紙纔須臾一掃一幅太快捷檀溪躍過瘦
的顚觀書已畢復觀畫數軸江吳種稻岡稻苗秧秧水拍
拍澤驚矯翼入荷鋤陂塍高下石籠密竹樹參倚荆籬疎
大車立輪轉流急小犢欺顧稚子驅令人頗有故鄉念春
事況及蠶桑初虎頭將軍畫列女二十餘子拖裙裾許穆
夫人尤窈窕因誦載馳誠起余余無書性無田區美人雖
見身老癯舉頭事事不稱意不如倒盡君酒壺

依韻和永叔見寄

春風約柳一片西欲託鳥翼傳音稽昨朝偶向東城去艸
艸又逢聰馬蹄長髯御史威正峭沙堤來坐氣吐霓我乘
小駟雖甚瘦喜見驂馭猶解嘶適問南都接大尹笑我出
處今何迷恥趨捷徑身已老欲至何用頻吹鑿蛟龍失水
等蚯蚓鱗角雖有辱在泥困居廢井誰引手豈得更望青
雲梯筆鋒勁發若強弩餘力曾微七重岸倦禽雄雌不飽
腹日暮徒念還巢棲大椿朝菌各有盡此物何怪莊叟齊
誠知豪俠自快樂東郊南陌競鬪雞胃中有道無廣狹包
括宇宙在一稊何時與公去潁尾湖水漫漫如玻瓈世間
會合固不易况乃仕宦多相睽正似郵亭戀行者未到止

息空歌驪我貧尚不給朝夕焉得負郭置稻畦筋骸幸且
稍輕健山水縱好無路躋儻公他時買田宅願以藜杖從
招攜吾兒詩書不足教亦以助力於耕犁

送少卿張學士知洪州

朱旗畫舸一百尺五月長江水拍天穩去先應望廬岳暫
來誰復見龍泉聞經吏部重爲記山識吳王舊鑄錢往迹
可尋軍士少賸書遺逸附青編

送邵郎中知潭州

張鏡疊吹洞庭外綠虎帶刀蠻帥迎且論漢家綏撫厚莫
言湘守事權輕木奴洲近霜包熟斑竹林猿野鳥鳴賈誼
宅邊寒井在暫留千騎救餘清

送趙諫議知徐州

及

鹿車幾兩馬幾疋軫建朱幡騎轂弓雨過短亭雲斷續鶯啼高柳路西東呂梁水注千尋險大澤龍過萬古空莫問前朝張僕射毬場細艸綠蒙蒙

送王察推鎮之鄧州

昔向南陽憶洛陽秋橙初熟半林黃車過白水沙痕濶鴈落鉗盧稻穗長廢壘漢碑全刻字古原秦冢石爲羊太平羽檄何曾有賓主相歡菊薦觴

送石昌言學士

混混拍堤瓜蔓水軒軒銜尾挂檣船使君東下只朝夕紫老走迎無後先古堞秋耕拾銅鐵長淮瀑雨入豪蓮鳴笳

舞鶴仍持去不憶承明夜直眠

送吳照鄰都官還江南

霜前江水磨碧銅岸背菱葉翹赤蟲吳郎鬢絲蒼幾縷不
羞月上扶桑東羞見清波照人影去時黑髮吹春風五年
歸來婦應喜從此不問西飛鴻

七月十六日赴庾直有懷

白日落我前明月隨我後流光如有情徘徊上高柳高柳
對寢亭風影亂疎牖我馬卧其傍我僕倦屈肘寂寂重門
扃獨念家中婦乳下兩小兒夜夜啼向母問爺若箇邊天
性已見厚不嗟羈枕孤不愧棲禽偶內有子相憶外有月
相守何似長征人沙塵聽刁斗

采芡

蜩毛蒼蒼磔不死銅盤瀉瀉釘頭生吳雞關敗絳憤碎海
蚌吐出真珠明磨沙漉水葦殼滑析桂煮釜風波聲齒如
編貝嚼明月曼倩不復饑腸鳴莫論一斛貴與賤堂上狼
籍無由行

依韻和秋夜對月

陳王苑裏望空虛吳客風前憶具區橫閣漸看河影轉繞
枝還見鵲驚無蟲催織婦機成素露逼鮫人淚作珠才比
陶潛無用處紗巾時任酒沾濡

飲劉原甫家原甫懷二古錢勸酒其一齊之大刀長
五寸半其一王莽時金錯刀長二寸半

主人勸客飲勸客無天妍欲出古時物先請射以年我料
孔子履久化武庫烟固知陶氏梭飛去風雨天世無軒轅
鏡百怪爭後先後聞豐城劍已入平津淵聊儼二百載儻
有書畫傳盟呼纔十一便可傾航船揆懷發二寶太公新
室錢獨行齊大刀鏃形未環連文存半辨齊背有楷法圓
次觀金錯刀一刀平五千其文如此精銅不蠹蝕肉好鉤婉全
爲君舉酒盡跨馬月娟娟

依韻和仲源獨夜吟

秋鴻聲澁秋絃苦塗金博山烟夜吐寂歷虛堂燈暈生誰
人共聽西牕雨

送臨江軍監酒李人博

三江卑溼地北客宦游稀霧氣多成雨雲蒸易損衣白膠
燒甕美黃雀下田肥未辨殊方語山歌半是非

送晉原喬主簿

太守登車時我病不能出造期玩海棠度險馬屢叱惟畏
行遲遲惡欲及春日何爲愛此花曾非桃李匹生紅濃復
淺瘦帶修且密湖傍幾十樹雕盤擁新漆酒傾琉璃盆月
上歡未畢縣官同遠宦簿領無督詰刻意詠芳菲追補李
杜失

十三日雷後晚過天漢橋堤上行

堤上殘風雪橋邊盛酒樓據鞍衰意盡倚檻艷歌留海月
開金鑑河水卧玉虬當年洛陽醉偏憶董糟丘

除夜雪

擊鼓人驅鬼漫天雪送寒臘從今日盡花作舊年看著樹
多還墮隨風積更乾明朝預王會畏濕兩梁冠

送宣州簽判馬屯田兼寄知州邵司勳

寒溪翠拖碧玉帶蒼山晴卧蛻骨龍水邊苦竹抽肥笋石
上老蕨拳紫茸泊船繫纜宿明鏡昭亭廟古攢瘦松陰風
雨電潭心起雲遮北嶺如墨濃田秧浸綠白鷺立內史山
喜嘉賓從昔時謝公來賽神蘭肴作椒金作鍾聯詩姓何
名已失板蠹粉落蟲鳥蹤我鄉復傳召南化磨鏤黑石君
亦逢

十五日雪二首

寒令奪春令六花侵百花塘冰膠燕背野水溼芹牙擁柱
輕於絮吹弄淨若沙乳禽饑啄木誰恨撥琵琶
新雷奮虵甲密雪鬪鵝毛正欲裁輕縠重令著弊袍沙泉
流復凍烟萼圻還韜只待隣醅熟微聲聽酒槽

淘渠

開春溝畎春泥五步掘一塹當塗如壤堤車無行轍馬無
蹊遮截門戶鷄犬迷屈曲措足高復低芒鞋苦滑雨淒淒
老翁夜行無子攜眼昏失脚非有擠明日尋者爾瘦妻手
提幼女哭嘶嘶金吾司街務欲齊不管人死獸顛啼

晴

風掃天如鑑雲開日似萍苑花猶帶溼蔬甲已微青蝶翅

粉腮薄塘潒波更序尋春不惜醉莫笑髮星星

送胡公疎之金陵

綠蒲作帆一百尺波浪疾飛輕鳥翻瓜步山傍夜泊人石
頭城邊舊游客月如水輪出海來江波千里無物隔自古
有恨洗不盡于今萬事何由白依稀可記鮑家詩寂寞休
尋江令宅楊花正飛鮓魚多食膾舉酒謝河伯但令甘肥
口飽腹誰用麒麟刻青石去舸已快風亦便寧同步兵哭
車輓

送黃殿丞通判潤州

前年江州飛火龍樓殿化盡山將銘今聞檣櫓復華壯大
閣渠渠山波上南徐別乘簡且聞下馬岸傍呼畫舫承月

江風不畏人，櫂師矜悍欺。白浪上京塵，莫厭多斗撒。中流雲在望。

吳冲卿出古飲鼎

精銅作鼎，土不蝕。地下千年，蘇花灑腹空。鳳卵留藻文，足立三刀刃。微直左耳，可執口可斟。其上兩柱，何對植。從誰發，掘歸吳侯來。助雅飲，歡莫極。又蒙君家主母賢，翠羽胡琴令奏側。絲聲不斷，玉絳繁繞樹。黃鸝鳴，不得我，雖衰菴爲之醉。玩古樂，今人未識。

依韻和原甫月夜獨酌

月下馬蹄休擾擾，夜涼蟲響競囀囀。一杯獨飲愁何有，孤榻無人膝自搖。北斗柄高天漸轉，小冠簪冷髮微凋。誰知

靜對頽然影，竟夕幽懷豈易聊。

依韻和原甫六月八日曉雨

侵曉忽飛雨，颯然庭戶涼。滴堦初聞聲，濯樹暗有香。吹燭
焰閃閃，鳴雞溼昂昂。稍已便衣冠，喜氣眉宇翔。安然如涸
魚，啣沫久已望塵纓。自可繫何必，念滄浪。

依韻和雪竇山曇穎長老見寄

處山無厭山林鳥，正關關月入潭心。白花明谷口，閒采薪
能自至。流水不知還，閒欲觀滄海。高峰峻亦攀。

送弟禹臣

王都寓居樹陰少，惟有牆隅兩株棗。去年相見棗花開，今
年相別棗實好。棗實未剝，風莫吹我鬢。愁多似蓬葆，淮南

到時何所逢秋葉蕭蕭蟹應老憶昔共歸江上初對飲蘆
洲月如縞半夜魚跳鏡破光萬事觸然何足道自此重經
二十秋不改青岸傍艸

飲劉原甫舍人家同江鄰幾陳和叔學士觀白鵬孔雀
雀鳧鼎周亞夫印鉶玉寶赫連勃勃龍雀刀

主人鳳凰池二客天祿閣共來東軒飲高論雜談謔南龍
養白鵬北龍養孔雀素質水紋纖翠毛金縷薄大誇鳧柄
鼎不比龍頭杓玉印傳條侯字辨亞與惡鉶劒刻辟邪符
寶殊制作末觀赫連刀龍雀鑄鑲鏐每出一物玩必勸衆
賓酌又令三雲髻行酒何綽約固非世俗驩自得聞古樂
聖賢泯泯去安有不死藥竟知不免此烏用強檢縛聞目

卽是今轉目已成昨歸時見月上酒醉見月落恍然如夢
寐前語誠不錯

次韻和景葵閨臘二十五日省宿

君嘗納史似吳兢又直甘泉馬踏水重臘雪花方漫漫宿
廳書架自層層案頭美酒初溫火簾底微風欲動燈永夜
未眠鐘已發此心閒寂似高僧

次韻和范景仁舍人對雪

三尺沒腰雪京華頻歲無高低相掩覆竅隙似封糊帖缺
都迷醜增妍不問枯因時混貧富遇物得圓觚眩目曾何
數流風不可圖冥冥山霧合浩浩海雲鋪未覺花飛葉先
看霞集珠落機裁扇素獵野割膚腴粲爾蛾奔月皓然叟

赴酺薄才今揣稱小巧愧非夫

次韻再和景仁對雪

北風吹雪至浩蕩地疑無奕奕將如舞漫漫欲似糊沙場
行不盡銀漢落應枯興發詩千首豪吞酒百觚山川客可
改圭璧巧能圖花竟因酥點砧爭以練鋪未煇調鼎鵠全
混蔽旒珠懷昔餐衣絮誰今食黍腴善歌知寡和醪飲遂
成醺衆筆排堅陣多多困老夫

次韻三和景仁對雪

北度龍沙遠南來狗吠無玉階三尺峻粉壁萬重糊獸餒
行迷穴禽寒立並枯長川平界限大屋疎稜觚稍見蓬萊
闕初張雲霧圖受降黎甲積罷獵羽毛鋪被褐思懷寶鼎

都學寶珠車皆陳鑒鑒人盡得瓊腴編已贈吳札席將開
漢蒲鳳池批詔手特地逞工夫

次韻和永叔新歲書事見寄

尖風細細欲穿簾殘雪微銷凍結簷
盞裏醇醪無限滿鏡中白髮不知添
妍童喜舞開羅幕小吏愁嘶入硯蟾
幸得從公持直筆定應無復歎蠶鹽

李廷老祠部寄荆柑子

踏雪衝風馳小吏帶霜連葉寄黃柑
瓣包欲咀牙全動舉盞逢衰酒易酣
書尾自題知遠意筆頭親荅厭多談
故人莫覓新詩卷都似嵇康七不堪

次韻和長文禰祀郊外見寄并呈韓子華

鵲鵲知雨在桑中雄逐雌飛自不同胡粉未生輕蝶白燕
脂先綻野櫻紅高高樹裏耿韞月獵獵墻頭蓓蕾風曉下
祠壇多寄詠衣冠方侍大明宮

次韻和江都幾送客回同過金明池

送別西亭車馬塵天池回傍欲迷津畫船龍尾何時發丹
杏梢頭漏泄春

風光猶未老於人獸口泉聲瀉碧津一洗塵襟無俗慮柳
條開眼共看春

送門人歐陽秀才遊江西

客心如萌芽忽與春風動又隨落花飛去作西江夢我家
無梧桐安可久爾鳳凰巢在桂林焉得共無忘桂枝

榮舉酒一以送

送勾諶太丞通判潁州

潁川倒灣流欄船曲轉鈞吏迎如太守民望亞諸侯芳圃
漢通野寒湖半抱州前賢多舊迹佳詠聽君留

送張子野知虢州先歸湖州

未赴虢太守暫歸吳興家吳興近洞庭橘林正吹花君當
橘柚時摘包帶霜華清甘不楚齒若酒傾殘霞谿山小女
兒姍姍兩髮丫裏裏上艷能嘈嘈弄琵琶是時與之醉何
似走塵沙

次韻和永叔石枕與笛竹簟

溪上枕剖龍卵石斲匠簟製虵皮紋客從東方一持贈竹

色蒸青石抱雲磨沙斲骨自含潤飽霜弔節無畱塵京師
貴豪空有力六月耐此炎蒸劇早風赤日吹熱來大廈高
簷任雕飾頭顱汗匝無富貧雖有頒水論官職官高職重
水則多日永永消難更得惟公掃室施枕簟迎涼自感東
方客東方客應非俗昏能使賢人心體適賢人何以偏伏
人天下才名方赫赫我吟困窮不可聽晝夜蚊蚋蒼蠅聲
蠅如遠鷄耳初感蚊若隱雷空際鳴葛厨頂綻屋蝎墮菅
席中裂麻經橫平生賦分只煎炒安有綠玉琉璃清猶勝
昔年杜子美老走未陽牛齒死因思楊惲廢時言但願人
生行樂爾公今事業在朝廷去就尤當慎終始待公睡足
秋風來去奉高談揮塵尾

次韻和原甫閣下午寢晚歸見示

殿閣風來夏日長，青林抽嫩見餘芳。
筆供五吏詞休敏，簟展雙紋睡正涼。
故事早歸何獨晚，舊交新咏尚無忘。
不言偃仰中園樂，還愛眉間喜色黃。

次韻和景葵省閣宿齋

晝日南宮雨後涼，齋嚴官重靜於常。
庭前鬬雀墮還起，欄下秋花落自香。
看盡雲容天漏碧，讀殘書帙卷披黃。
九衢塵土莫能到，蕭瑟微風葉響廊。

次韻和景葵對月

蕭蕭風雨變涼意，索索晚雲開斗晴。
已洗浮埃天外靜，忽生圓月樹頭明。
艸根蟲穴吟來久，星角星河落更清。
我愧

西垣侍臣比影寒霜鬢兩三莖

送何都官通判虔州

若谷

楚越封圻接帆檣上下頻商通洲橘熟信到嶺梅春白紵
歌修頸金盤饋紫鱗同勤太守職龔遂漢名臣

送番禺杜料主簿

行識桄榔樹初窺翡翠巢地蒸蠻雨接山潤海雲交訟少
通華語蟲多入膳庖不須思朔雪梅吐臘前梢

荅建州沈屯田寄新茶

春芽研白膏夜火焙紫餅價與黃金齊包開青蒻整碾爲
玉色塵遠及蘆底井一啜同醉翁思君聊引領

次韻和永叔對雪十韻

玉打梨梅柳絮粉皆不用

紛紛何亂目凜凜自開門著莫風難定侵凌物已繁裝成
新樹色遮盡古苔痕冷入梁王苑清乘衛國軒欺貧凍蓬
華增險想轅轅小隙皆能及洪爐逼不溫雲衣隨處積水
甲等閒屯團戲爲丸轉堆雕作獸蹲豈愁穿破履幸喜有
清樽誰問諸公子高樓與後園

和王景葵正月十四日夜有感

燈光暖熱夜催春天半樓開飲近臣馳道橫頭起山岳露
臺周匝簇朱輪隔簾艷色多相照下馬輕豪各競新我已
暮年殊趣嚮濃油一盞按邊身

送李閣使知冀州

腰裏黃金絡春風北渡河將軍守漢法壯士發燕歌綠水

塘蒲短晴天塞鴈多家聲復年少雙鑠笑廉頗

次韻和

永叔

雨中寄原甫舍人

賴得春巢燕未歸高簷終日雨
衰衰細籠芳艸踏青後欲
打梨花寒食時美景已嗟空
過盡名園猶許悞相隨錦鞍
切莫九衢去拍拍一如鵝鴨池

社日曾慎
赴北園

和劉原甫復雨寄永叔

堦下青苔欲染衣晴光纔漏又
霏微衝風鷺子銜泥去隔
樹鴉鵲鳴婦歸乍冷乍陰將
禁火自閒自掩不關扉渾身
酸削懶能出莫怪與公還往稀

寄題張令陽翟希隱堂

每讀陶潛詩令人忘世慮
潛本太尉孫心遠跡亦去不希

五斗樂自種五株樹曠然箕山情復起濠上趣今時有若
此豈不懷慕

薛九宅觀雕狐圖

蜀中處士李懷衮手畫皂雕擒赤狐猛爪入頰背流血短
尾獨俛窮蹄逋雕爭怒力狐爭死二物形意無纖殊一禽
一獸固已別硬羽軟毛非筆模入君此室見此圖如在原
野從馳驅

依韻和李舍人旅中寒食感事

一百五日風雨急斜飄細溼春郊衣梨花半殘意思少客
子漸老尋遊非戢戢車徒九門盛寥寥州火萬家微今朝
甘自居窮巷無限墻間得醉歸

永叔寄詩八首并祭子漸文一首因采八詩之意答
以爲答

昔聞退之與東野相與結交賤微時孟不改貧韓漸貴二
人情契都不移韓無驕矜孟無覲直以道義爲已知我今
與子亦似此子亦不愧前人爲北都健兒昨日至扣門乃
得所遺詩上言病中初有寄下言我詠蟠桃枝盛衰開落
感殘杏暮春無事羨游絲斑斑鳩鳴忽懷念二掃十幅無
閒辭洛川花圖多品目闢新爭巧始可疑讀書又憶石夫
子似蠶作繭誠有之鎮陽歸夢北潭北吟此八章誰謂癡
最後有文弔尹子壽天難問信所悲共書大軸許傳玩一
日百展曾忘疲報君亦欲齋滿軸恐費紙墨令人嗤

壯熱

赤日若射火林風不動梢
羸汗尚流沛冠服豈堪包
貴人諒有稟慣習非強教
竊觀行車馬全蕩劇煆炮
寧思山中太石泉浸兩腋

乙酉六月二十一日予應辟許昌京師內外之親則
有刁氏昆弟蔡氏子予之二季友人則胥平叔朱中
道裴如晦各攜肴酒送我於王氏之園盡歡而去明
日子作詩以寄焉

性僻交遊寡所從天下才今朝誰出祖親戚持樽疊晚節
相知人惟有胥宋裴所欠謝夫子歸懷尚未迴岸傍逢名
園繫舟共徘徊嘉蓮如笑迎照水呈丹艷南庭蒨葍架萬

乳纍將硤羣卉競瑣細紫紅相低偃尋常固邂逅孰辨落
與閒酒闌各分散白日將西頽城隅遂有隔北首望吹臺
韓欽聖問西洛牡丹之感

韓君問我洛陽花爭新較舊無窮已今年誇好方絕倫明
年更好還相比君疑造化特着意果乃區區可羞恥嘗聞
都邑有勝意既不鍾人必鍾此由是其中立品名紅紫葉
繁矜色美萌芽始見長蒿萊氣焰旋看壓桃李乃知得地
偶增異遂出羣葩號奇偉亦如廣陵多芍藥閭井荒殘無
可齒淮山遼秀付艸樹不產髦英產佳卉人於天地亦二
物固與萬類同生死天意無私任自然損益推遷寧有彼
彼盛此衰皆一時豈關覆燾爲偏委呼兒持紙書此說爲

數載之報韓子

初冬夜坐憶桐城山行

我昔吏桐鄉窮山使屢躡路險獨後來心危常自怯下顧
雲容容前溪未可涉半岷風颭然驚鳥爭墮葉修蔓不知
名丹竇坼在荑林端野鼠飛緣挽一何捷馬行聞虎氣竚
耳鼻息歛遂投山家宿駭汗衣尚浹歸來撫童僕前事語
妻妾吾妻常有言艱勤壯時業安慕終日閒笑媚看婦靨
自是甘努力于今無所愾老大官雖暇失偶淚滿睫書之
空自知城上鼓三疊

王龍岡知江陵

捧詔出荊州天心寄遠愛行車踐殘雪寒色犯輕裘祖轅

山川濶歌驪道路愁吏迎多越乘兵衛榮吳鈞地與蠻溪
接江通漢水流風宜橘林賦俗尚竹枝謳樽俎思疇日烟
雲感舊游終當勞侍從寧久渚宮留

依韻和資政侍郎雪後登看山亭

湖上晴烟凍未收湖中佳景可遲留更臨危樹看羣岫雪
色嵐光向酒浮

雪中通判家飲廻

時一卒彈胡琴

朔風聲滿枯桑枝陰雲不定蛟龍歸凍禽聚立高樹時密
雲萬里增寒威訪君留連舉酒卮胡琴奏罷歡已微小騎
跨去沒四蹄飄花凌亂霑人衣醉目遠望天地迷何暇更
問孤鴻飛茅屋豈無單且饑平明共賀麥隴肥

雪後資政侍郎西湖宴集偶書

潭心不凍處鴈鷺自相依積雪正無際因風忽起飛初驚
如避弋復下信忘機偶得從公飲聊書此景歸

留別汝守王待制仲儀

來時柳未芽去見杏吐萼相歡無幾日節候已非昨邂逅
二十年三過三晤索會令信難常焉用計疎數

寄滁州歐陽永叔

昔讀韋公集固多滁州詞爛熳寫風土下上窮幽奇君今
得此郡名與前人馳君才比江海浩浩觀無涯下筆猶高
帆十幅美滿吹一舉一千里只在頃刻時尋常行舟艤傍
岸撐牽疲有才苟如此但恨不勇爲仲尼著春秋貶骨常

苦筭後世各有史善惡亦不遺君能切體類鏡照嫫與施
直辭鬼膽懼微文姦魄悲不書兒女書不作風月詩惟存
先王法好醜無使疑安求一時譽當期千載知此外有甘
脆可以奉親慈山蔬采葑蕀野膳獵麋麋鱸膾古來美梟
雋今且推夏果亦瑣細一一舊頗窺圓尖剝水實青紅摘
林枝又足供宴樂聊與子所宜慎勿思北來我言非狂癡
洗慮當以淨洗垢當以脂此語同飲食遠寄入君脾

歐陽永叔寄琅琊山李陽水篆十八字并永叔詩一
首欲予繼作因成附韻奉荅

我坐許昌塵土中山翠泉聲達眼耳公雖被謫守滁陽日
少郡事窮山水東南有風西北來忽得書詩連數紙并寄

陽水古篆字字形矯矯龍蛇起其文乃只題姓名大曆
許審氣尾報云此篆無人知野僧好事爲公指公留
品下久徘徊公剔莓苔汲泉洗點畫雖然未苦訛霜
侵風剝多皴理公疑鳥迹踏蒼崖山祇愛惜將有以
雲藏至今不近俗月伴古源清且泚此石公知石不
知公與前人定知已墨模幾幅許傳玩譬於玦玉終
可喜況復爲詩刻其下句奇字峻驚山鬼何當少
得從公游爲公揮筆寧非美

感春之際以病止酒水止有簡云時雨乍晴物景鮮
麗疑其未是止酒時因成短章奉荅

東風固無迹何處見春歸土逐艸心堦雨兼花片飛
雖憐柔甲長只恐艸條稀君但惜晴景休言止酒非

荅宋學士次道寄澄心堂紙百幅

寒溪浸楮春夜月敲冰舉簾勻割脂焙乾堅滑若鋪玉一
幅百錢曾不疑江南老人有在者爲予嘗說江南時李主
用以藏秘府外人取次不得窺城破猶存數千幅致大本
朝誰謂奇漫堆閒屋任塵土七十年來人不知而今制作
已輕薄比於古紙誠堪嗤古紙精光肉理厚邇歲好事亦
稍推五六年前吾永叔贈予兩軸令寶之是時頗叙此本
末遂號澄心堂紙詩我不善書心每愧君又何此百幅遺
重增吾赧不敢拒且置緘箱何所爲

春寒

春晝自陰陰雲容薄更淡蝶寒方歛翅花冷不開心亞樹

青帝訪依山片雨臨未嘗辜景物多病不能尋

和江鄰幾見寄

清風當晝起吹我庭下槐軒軒枝上葉碎影亂綠苔左右
無人聲時有啼禽來啼禽感所懷其音一何哀思歸無曉
夕血滴山楸開曰予當是時爲之腸九迴江子方謫官復
有擬古才遠寄平淡辭曷報瓊與瓊

和王仲儀詠瘿二十韻

汝水出山險汝民多病瘿或如鷄精滿或若猿噉並女慙
高掩襟男大澗裁領飲水擬注壺吐詞侔有鯁樛里旣已
聞杜預亦不幸秦人號智囊吳瓠繫拘頸臘塊常挂頤伶
仃安及脛只欲仰問天無由俯窺井挾帶歲月淡冒犯風

霜冷厭惡雖自知剖割且誰肯不惟羞把鏡仍亦愁弔影
內療煩羊脍外砭費針穎在木曰楠榴剝之可爲皿此賊
無所用既有何能辟音屏膨脝厠無首臙腫異顙頂難將面
目施可與胎胞逞賢哉臨汝守世德調金鼎氓俗雖醜乖
教今日修整風土恐隨遷晨昏憂屢省儻欲便慈顏名城
不難請

使者自隨州來知尹師魯寓止僧舍語其處物景甚
詳因作詩以寄焉

驛使話漢東故人遷謫處所居雖非居有樹卽嘉樹日膳
或鷄狔時蔬多筍芋夜堂蛭結蟬蜚戶鵲噪聚著書今未
成愛靜已得趣予欲訪其人炎蒸未能去

王德言夏日西湖晚步十韻次而和之

雨餘殘照在塘靜，獨行行荷積水珠。重天收霓旆，輕倦禽
依卧柳聚。蚓帶坳泓，側林枝礙裳。塞野蔓榮茂，韜園客
剝蒲刃水。祆驚決決流，泉活濛濛夕。霧平榴房生，蠹落蛛
網害蟲成。坎黽無時怒，渾魚自樂清。高臺從獸窟，古道有
根橫。寫景未能就，娟娟月上城。

潁水

潁水苦流瀑淺平，秋與冬岸淡開地。勢底碧寫天，容道枉
隨灣去。邨遙盡日途，迷魚是潭曲。寧見窟蛟龍。

依韻和晏相公

微生守賤貧，文字出肝膽。一爲清潁行，物象頗所覽。泊舟

寒潭陰野興入秋蒺因吟適情性稍欲到平淡苦辭未圓
熟刺口劇菱芡方將挹溟海器小已漱澗廣流不拒細愧
抱獨慊慊疲馬去軒時戀嘶芻秣減茲繼周南篇短橈寧
及艤試知不自量感涕屢揮摻

途中寄上尚書晏相公二十韻

驚廳入林鴉亂飛舞空落葉相追隨秋權摧物不見跡但
使萬古生愁悲登山臨水昔感別身作旅人安得宜單舟
匹婦更無婢朝餐每愧婦親炊平生獨以文字樂曾未敢
恥貧賤爲官雖寸道實過分名姓已被賢者知疎愚生不
謁豪貴守此退縮行將衰潁州相公秉道德一見不以論
高卑久調元化費精力猶且未倦刪書詩唐之文章易蕪

穢纖悉寧有差毫釐謂其耽學可與語便與淵奧祛佹疑
浮言近意不歷口直欲海宿拏蛟螭再拜膝前荷勤誨垂
橐相載歸忘饑解艇水驛無幾舍新詩又遣牙兵持上言
行李覽物景聊可與婦陳酒卮下言狂斐頗及古陶韋比
格吾不私相公貴且事翰墨我輩豈得專遊嬉今將蒿芹
薦俎豆定亦不以微薄遺嘗令有詠無巨細當因川陸舟
車貽目對順流思疾置老魚姦怯潛鱗髻

同諸韓及孫曼叔晚遊西湖

晚日城頭落輕鞍果下涼野蜂銜水沫舟子剝菱黃木老
識秋氣徑幽聞艸香幅巾聊去檢不作楚人狂

七月二十一夜聞韓玉汝宿城北馬舖

暗樹秋風擺葉鳴桃枝竹簟冷逾清孤燈淡淡短亭客半
夜蕭蕭聞雨聲

依韻和歐陽永叔秋懷擬孟郊體見寄

秋思公何高堆積自崿嶮出爲悲秋辭萬仞見孤聳念我
老於詩我髮實種種而後傷故人故人多作塚陰風夜木
鳴寒窳聞鬼悚獨我忘形骸百事乃纖冗不眠霜月上霜
月如可捧

和宋中道元夕

結山當衢面九門華燈滿國月半昏春泥踏盡遊人繁鳴
蹕下天歌吹喧淡坊靜曲走車轅爭前鬪盛忘卑尊靚妝
麗服何柔溫交觀互視各吐吞摩肩一過難久存眼尾獲

笑迷精魂貂裘比比王侯孫夜闌按馬相馳奔

李國博遺浙薑建茗

吳薑漬吳槽越茗苞越籜咀辛聊案杯啜味可奴酪但拜
故人既何言爲物薄我心易厭足不比填溝壑

古鑑

古鑑得荒塚土花全未磨背菱尖尚在鼻獸角微訛月暗
蝦蟆蝕塵昏魍魎過但令光彩發表裏是山河

宋次道家摘寶相花歸清平里

往歲見此花開遲手撚羣芳因醉嗅今來須約鞦韆看及
過風雨又已後主人爲我特殷勤架底深深撥孤秀密枝
陰蔓不爭開薄紅細葉尖相鬬先時已落已掃除最晚堪

憐子所厚呼童歸遺不可緩金盤付與急奔驟暮還已見
映雪髻初拈尚覺香在袖官橋夜市正沽酒沽酒共賞莫
待晝

金明池遊

三月天池上都人袷服多水明搖碧玉岸響集靈鼉畫舸
龍銜尾長橋覓飲波苑花光粲粲女齒笑嗟嗟行袂相朋
接遊肩與踐摩津樓金間采幄殿錦文窠翠檻車傍緩歸
郎馬上歌川魚應望幸幾日翠華過

覓人聲

夜泊虹縣同施景仁太傅河上納涼書事

與君愛清風移榻就明月月落見星繁星繁知晝熱露水
輕露墜響岸崩湍齧坐思都城時誰許腳不襪

淮雨

雨脚射淮鳴萬鏃跳點起漚魚亂目濕帆遠遠來未收雲
漏斜陽生半幅

慈姥磯下

蘆汀泖泖外霧歛見孤嶂行舟每出觀漸近已殊狀傍來
認飲半正去忽側盞水壑陰若春野鳥時與相且待風色
迴出口始浩蕩

揭山磯上港中泊

風惡舟難進聊依浦裏邨岸潮生蓼節灘浪聚蘆根日脚
看看雨江心漸漸昏篙師知蟹窟取以助清樽

和永叔中秋夜會不見月酬王舍人

主人待月敞南樓淮雨西來斗變秋自有娉娟侍賓榻不
須迢遞望刀頭池魚暗聽歌聲躍蓮的明傳酒令優更愛
西垣舊詞客共將詩興壓曹劉

別後寄永叔

前日辭親淚又爲別友出愁極反無言欲言詞已窒荷公
知我詩數數形美述茲道日未堙可與古爲匹孟盧張賈
流其言不相昵或多窮苦語或特事豪逸而於韓公門取
之不一律乃欲存此心欲使名譽溢竊比於老郊深愧言
過實然於世道中固且異謗嫉交情有若此始可論膠漆
宿郤堪問雨因買藕茨人迴呈永叔

秋雨鴈來急夜舟人未眠亂風燈不定暝色樹相連寒屋

猛添響溼煦愁打穿明朝特藕使書此寄公前

寄許主客

昨日山光寺前雨今朝邵伯堰頭風野雲不散低侵水魚
艇無依尚蓋篷藕味初能消酒渴蓼芳猶愛照波紅揚州
有使急回去敢此寄聲非塞鴻

寄酬發運許主客

淮上秋來物意閒又乘輕舸信帆還一浮一沒水中鳥更
遠更昏天外山斜幅纏踣其吏至濃金灑紙領珠頰欲酬
已覺不能敵盡日臨風思村怪

淮陰

青環瘦鐵纜繫在淮陰城本脰多長柳林枝有直橫山夢

一足走妖鳥九頭鳴韓信祠堂古誰將跨下平

使風

跨下橋南逆水風十幅蒲帆灣若弓淮波帶日魚鱗紅
岌岌飛上北斗中龜山始撞人定鐘岸艸濞濞鳴秋蟲

昭信淮上

清淮渺然去白浪勢如奔同發已先遠獨行將向昏洲長
寧辨路夜泊偶依邨燈火稍覺亂應聞人語喧

小邨

淮潤洲多忽有邨棘籬疎敗設爲門寒鷄得食自呼伴老
叟無衣猶抱孫野艇鳥翹唯斷纜枯桑水齧只危根嗟哉
生計一如此謬入王民版籍論

曉日

出舟曉日升瞳眈波上爛爛黃金鑄
羃歷紫烟生鏡中
船似畫分橫縱風莫從虎雲從龍
變作霏霞重復重

泊楸澗觀渡

隔岸呼舟楫臨河立馬牛
解鞍沙上憩沉網渚間收殘日
銜沙尾孤帆落戍頭
莫愁宣作雨晚水白烟浮

聞櫓

靜夜有舟下中流聞櫓聲
隔牕燈已暗卷幔月微明
漸狎寒灣遠遙應宿枕驚客心
何苦急曾是不緣名

斫膽懷永叔

高河古穴溪下有蒼鱗
出水掣將飛落刀細可織香粳

飲正滑白酒美少力但欠平生歡共此中路食

荅宣城張主簿遺鴉山茶次其韻

昔觀唐人詩茶詠鴉山嘉鴉銜茶子生遂同山名鴉重以
初槍旗采之穿烟霞江南雖盛產處處無此茶纖嫩如雀
舌煎烹比露芽競收青弱焙不重漉酒紗顧渚亦頗近蒙
頂來以迓雙井鷹掇爪建溪春剝葩日鑄弄香美天目猶
稻麻吳人與越人各各相關誇傳買費金帛愛貪無夷華
甘苦不一致精麤還有差至珍非貴多爲贈勿言些如何
煩縣僚忽遺及我家雪貯雙砂罍詩琢無玉瑕文字搜怪
奇難於抱長蛇明珠滿紙土剝膏不爲奢玩久手生胝窺
久眼生花嘗聞茗消肉應亦可破疲飲暖氣覺清賞重歎

復嗟嘆嗟既不足吟誦又豈加我今實強爲君莫笑我耶
夢後寄歐陽永叔

不趁常參久安眠向舊溪五更千里夢殘月一城鷄適狂
言猶是浮生理可齊山王今已貴肯聽竹禽啼

送方進士遊廬山

長風沙浪屋許大羅剎石齒水下排歷此二險過湓浦始
見瀑布懸蒼崖繫舟上岸入松徑三日踏穿新蠟鞋路盤
溪谷出嶺望後山日照前山靄偶逢風雨恐水溼側倚石
脇人相乖雨收不覺在高處却見僮僕提攜偕水聲不絕
鳥聲好藥艸香氣侵入懷老僧避俗去足跣野客就澗開
門闔樹巖隱映見寺剎層層杳杳躋雲階塢田將穫烏雀

橫秋果正熟猴猿齮東林淡齏應似舊惟此足以待爾儕
子心灑落慨然往我方塵垢難磨揩

李仲求寄建溪洪井茶七品云愈少愈佳未知嘗何
如耳因條而荅之

忽有西山使始遺七品茶末品無水暈六品無沉粗五品
散雲腳四品浮粟花三品若瓊乳二品罕所加絕品不可
議甘香焉等差一日嘗一甌六腑無昏邪夜枕不得寐月
樹聞啼鴉憂來惟覺衰可驗惟齒牙動搖有三四妨咀連
左車髮亦足驚疎疎點霜華乃思平生遊但恨江路賒
安得一見之煮泉相與誇

乾明院碧鮮亭

環衣削髮遠塵垢。蛇祖龍孫生屋後。不等涓川千戶侯。尺
椽片瓦何嘗有。方丈東頭一畝餘。中軒四面無臆膺。青瓊
作枝鈿爲葉。丹鳳未食蒼鼠走。細藤織榻白晝眠。寢濃鼻
息如雷吼。世間百事不歷心。門外寒流徹溪口。

得餘千李尉書錄示唐人于越亭詩因以寄題

餘水之干越之鄙。築基相對琵琶尾。琵琶日日有秋聲。鴈
過洞庭風入葦。南斗憂湖波不起。長刀剡峰碧耳耳。娉娥
夜出在寒溪。青銅瑩磨光幾里。朝因吳客幅蒲輕。滿紙如
蠶書可喜。

入蒲浦

馬頭攪岸斗鷺尾。泊船齊風送寒潮。急雲藏晚日低。逢人

多楚語問客煮吳鷄難覓枚臯宅蒼葭處處迷

發長蘆江口

篙師施工相整衣龍女廟中來宰稀野祝擊鼓降神語老
鴉銜肉上樹飛長江無風平似削兩櫓夾舸行將歸南國
山川都不改傷心慈姥舊時磯

龍女祠祈順風

龍母龍相依風雲隨所變舟人請予往山廟旗脚轉旗指
西南歸飛帆疾流電長蘆江口發平明白鷺洲前已朝膳
竹根杯琖不欺人世間然諾空當面

金陵三首

恃險不能久六朝今已亡山形象龍虎宮地牧牛羊江上

鷗無數城中草自長臨流邀月飲莫挂一毫芒

金陵逢曉雪撩亂逗雲來已失烏衣巷還成白玉臺山盤
猶隱見江轉似昭回一聽高樓笛依稀認落梅

每入秦淮口風波更不憂重看後庭樹還起舊時愁故老
都無有遺蹤莫可求何人能識意白鷺在寒洲

登采石山上廣濟寺

船從山下過直上見僧軒繫纜登磯石緣崖到寺門短籬
遮竹潑危路踏松根却看滄江底帆歸烟外昏

泊昭亭山下得亭字

雲中峯午午潭上樹亭亭久作大梁客貧畱小院醒離愁
江舸溫祠信楚巫靈日暮渡頭立山歌不可聽

依韻和正仲重臺梅花

芳梅何待倚素葉吐層層近臘寒猶勁先春氣已承冷香
傳去遠靜艷密還增有意常欺雪無功合鏤冰早烟籠玉
暖凍雨浴脂凝漢女新粧薄燕姬瘦骨稜壓枝惟恐折簇
萼似難勝神物終來護江鄉未解矜獨竒心豈欲寄遠客
何曾不見黃鸝度寧防粉蝶凌月光臨更好溪水照偏能
畫軸開雲霧宮刀剪綵繒都無筆可銜莫信巧堪憑丹杏
塵多雜天桃俗所稱故林嘗渴望大廈更愁登重和陽春
曲聲辭狼媿仍

依韻和正仲寄酒因戲之

上字黃封誰可識偷傳王氏法應真清淮始變醅猶薄句

永新來味更醇欲擬比酥酥少色曾持勸客客何人紅梅
雖是吾家物老去無心一醉春

清淮酒本王九
傳法於山陽

聞永叔出守同州寄之

冕旒高拱元元上左右無非唯唯臣獨以至公持國法豈
將孤直犯龍鱗策莫欲把人留楚苾蒢方枯馬入秦訪古
尋碑可消日秋風原上足麒麟

送天台李令庭芝

吾聞天台久未見天台狀去海知幾里去天知幾丈峯嶺
隱與出巖壑背與向雲霄反在下泉瀑反在上幽溪無窮
窺杳眇無窮望至險可慄慄至怪可駭喪石橋灣長弓跨
絕絃未放當時白道猷平步入青嶂去爲六百石亦見志

所尚予欲廣異聞可以一尋訪

依韻和吳正仲冬至

流光冉冉卽衰遲物趣迴還似轉規長景已知今日至孤懷不比少年時阻陪上閣鸞鷟後且與南州父老期况有春禾新酒熟百分休放手中卮

依韻荅吳正仲罷飲

君辭予家傾蟻醅自有嘉味須持來青篋絳餅方出戶紅妝侑席已邀杯窮愁一飲猶關分側望羣賢不可陪靜坐紙牕無所得只將文字眼前堆

依韻諸公尋靈濟重臺梅

梅要山傍水次栽非同弱柳近章臺重重葉葉花依舊歲

歲年年客又來雖愛千枝競繁密還嗟短髮已衰頽郎官
博士留車騎擁蔽修篁爲斫開

和正仲再和罷飲

吳味期君強飲開楚醅因我破愁來何言合美將虛館却
憶爭妍就捧杯夜微已先庭雪集單衣難與毳裘陪踐盟
幾欲驅車去塵事無端日日堆

和韻三和戲示

筇筍畫舫瓦缸醅海若淮瑞各寄來將學時人鬪牛飲還
從上客舞娥杯蓬蒿自有蔣生樂珠翠寧容鄭氏陪莫計
寒暄與風雪古來黃土北邙堆

鄭康成與廬子幹同事馬融融後堂有珠翠之會康

成不得
領焉

學不依韻和正仲聞重梅已開見招

難開密葉不因寒誰翦鴉兒短羽攢猶是去年驚目艷不
知從此幾人觀重重好蕊重重惜日日攀枝月日殘我爲
病衰方止酒願携茶具作清歡

野望
新晴宜野望最愛是山前遠近花兼竹高低水拍田呼名
鳥無數問姓客多年此地春耕晚吳牛樹底眠

東溪
行到東溪看水時坐臨孤嶼發船遲野鳥眠岸有閑意老
樹著花無醜枝短短蒲茸齊似翦平平沙石淨於篩情雖
不厭住不得薄暮歸來車馬疲

志來上人寄示餘醺花并壓磚茶有感

京師三月餘醺開高架交垂自爲洞素葉層層紫蕊香醺
歸光祿春生甕束陷西池走鉏車芳林廣園飛朱鞋二年
不到大梁城江邊淚滴用腸痛况茲齒髮漸衰老已是憂
愁不如衆宣城北寺來上人獨有一叢盤嫩葉去歲遊吳
求不得今朝還喜自持送眼底雖同往日看樽前所憶皆
成夢又置新茶采雨前烏鶻壓磚雲色弄對花却酒煮香
泉強詠才慙非白鳳

依韻和揚州許待制竹拄杖

楚竹翦霜籜何慙漢使節鳩形殊川刻馬箠不同功挺特
生難變支離分已窮輕肥思北鶴短髮任如蓬倚以爲高

趣特之見素風步郊柳實下行樂偶從東屢刺莓苔破淺
穿苑圃通辨繁時盡地默意或書空古血有湘跡舊林無
阮蹤將渠誰作老要此豈關甯莫駭傾巢鳥須虞蠹穴蟲
誰能求道術跨作上天龍

高士王君歸建業

風雨起春寒乘潮曉帆送目看瓜步雲心近茅家洞忽覺
柳已青來時枝尙凍羨爾向江南正開新釀甕

大明寺平山堂

陸羽烹茶處爲堂備宴娛岡形來自蜀山色去連吳毫髮
開明鏡陰晴收畫圖翰林能憶否此景大梁無

依韻和孫都官湖上寫望

河上風烟愛此邦。吳艘越舸不相降。魚腥蘊蘊橋邊市。花
暗淡淡竹裏牕。踟躕漸知寒食近。軟輦將立小鬟雙。年光
取次須偷賞。何用功名節與幢。

依韻和許待制偶書

曉雨射船珠瀉盤。平明水上舞英殘。鬪雞踟躕惡輕泥。溼調
馬蹄翻軟土。乾溪屋鷺巢。將欲補密房。蠶蟻尚憂寒。爲言
楚客甘疎藪。白藟香芽長嫩珊。

依韻和春日偶書

甕面春醅壓嫩藍。盤中鵝鶩亦肥甘。正宜醉夢輕爲蝶。苦
怕酬詩密似蠶。病起羊公方隱几。歸來陶令卽乘籃。河堤
古木欣欣暗。野水新秧拍拍淪。已向官資隨分足。莫將忠

賁等閒談況於世上諸般厭不作人間一例貪。陋巷自知
當退縮權門誰解肯趨參。高低趣向難爲合，冷暖情懷固
飽諳。勉強妻兒猶苟祿，強顏冠冕未抽簪。惟公恩遇留連
久，頻對樽罍也負慙。

依韻和禁烟近事之什

狂風暴雨已頻過，近水棠梨着未多。窈窕踏歌相把袂，輕
浮賭勝各飛墀。閒牽白日游絲颺，細幕黃金舞帶拖。小苑
芳菲花鬪藥，華堂嘲哢燕爭窠。西州駿馬頭如剝，南國佳
人頸似瑤。結客追隨傾畫檻，分朋游樂藉青莎。歌聲競打
遺鈿翠，芍藥將開翦纈羅。我病乞求新火炙，無心更聽竹
枝歌。

高車再過謝永叔內翰

世人重貴不重舊，重舊今見歐陽公。昨朝喜我都門入，高車臨岸進船篷。俯躬拜我禮愈下，騶徒竊語音微通。我公聲名壓朝右，何厚於此瘦老翁。笑言啞啞似平昔，妻子信說如梁鴻。自茲連雨泥沒脛，未得謁帝明光宮。冒陰履溼就稅地，親朋未過知巷窮。復聞傳呼公又至，黃金絡馬聲瓏瓏。紫袍寶帶照屋室，飲水啜茗當清風。邀以新詩出古律，霜髯屢領搖寒松。因嗟近代貴莫比，官爲司空仍侍中。今成冢丘已寂寞，文字豈得留無窮。以此易彼可勿愧，浮榮有若送雨虹。須臾斷滅不復見，惟有明月常常空。況我學不爲買祿，直欲到死攀軻雄。一飯足以飽我腹，一衣足

以飾我躬老雖得職不足顯願與公去驩樂同驩樂同治
園田穎水東

陸子履見過

劉郎謫去十年歸長樂鐘聲下太微屈指故人無曩日平
明騎馬扣吾扉論情論舊彈冠少多病多愁飲酒稀猶喜
醉翁時一見攀炎附熱莫相譏

重送周都官

水上朱樓畫角鳴濛濛雨裏榜舟輕未逢甫里先生謁多
見吳興太守迎荷葉半黃蓮子老霜苞微綠橘林明十年
不到風烟改君去將詩與畫評

送李載之殿丞赴海州權務

瓜蔓冰生風雨多吳船發棹唱吳歌
槎從秋漢下應快人憶故園歸奈何
世事靜思同轉轂物華催老劇飛梭
茶官到有清閑味海月團團入酒巖

送裴如晦宰吳江

吳江田有粳粳香春作雪吳江下有鱸
鱸肥膾堪切炊粳調橙蠶飽食不爲
餐月從洞庭來光映寒湖凸長橋坐虹
背衣濕霜未結四顧無纖雲魚跳明鏡
裂誰能與子同去若秋鷹掣

永叔請賦車螯

素脣紫錦背漿味壓蚶菜海客穿海沙
拾貯寒潮退王都有美醞此物實當對
相去三千里貴力致以配翰林文章

宗炙鮮尤所愛旋圻旋沽飲酒船如落埭殊非北人宜肥
羊噉鬱塊

莫登樓

莫登樓脚力雖健勞雙眸下見紛紛馬與牛馬矜鞍轡牛
服辦露臺歌吹聲不休腰鼓百面紅臂鞢先打六么後梁
州棚簾夾道多天柔鮮衣壯僕穉髭虬寶樹呵叱倚王侯
夸妍鬪艷目已偷天寒酒醺誰爾俯倚檻心在形獨畱有
此光景無能遊粉署深沉空翠幃青綾被冷風颼颼懷抱
既如此何須望樓頭

刑部廳看竹效孟郊體和永叔

川其韻

蒼蒼庭中竹事莫歎遲速不同欄下艸一歲一迴綠朝開

花照耀落風相逐何如飽霜雪冬夏森寒玉誰將種官
舍本合近巖屋不可一日無蕭灑看未足阮生豈其愚林
中醉醺醺我當明月時移牀來此宿

較藝和王禹玉內翰

分庭答拜士傾心却下朱簾絕語音萬蟻戰來春日暖五
星明處夜堂深力拙頑石方逢玉盡撥寒沙始見金淡墨
榜名何日出清明池苑可能尋

出省有日書事和永叔

辭家綵勝人爲日歸路梨花雨今晴庭下秋韮應未拆籠
中鸚鵡卽聞聲千門走馬將看勝廣市吹簫尚賣飴已是
瓊林芳艸晚不須遊處避門生

寄桂州張諫議和永叔

桂林太守幾時行
泛汴桃花浪已騰
目極雲陰低遠樹
夜寒風急亂春燈
巢鳴翡翠愁無限
水宿鴛鴦冷不勝
陽朔山前好峯嶺
爲公憐愛萬千層

王幾道罷磁州遣澄泥古瓦二硯

澄泥叢臺泥瓦斲
鄴宮瓦共爲几案
用相與筆墨假賦
無左思作書魏右
軍寫初從故人來
來自邯鄲下物因
人以重謬常好事
者

和楚屯田同曾子固陸子履觀予堂前石榴花

堂下一匹鄭虔馬
欄邊兩株安石榴
但能有酒邀佳客
亦任狂花落素甌
俗女紅裙無好色
主人白髮自侵頭
欲歌

翠樹芳條曲已去洛陽三十秋

呂晉叔著作遺新茶

四葉及王游共家原坂嶺歲摘建溪春爭先取晴景大窠
有壯液所發必奇穎一朝團焙成價與黃金逞呂侯得鄉
人分贈我已幸其贈幾何多六色十五餅每餅包青箬紅
籤纏素蔕屑之雲雪輕啜已神魄惺會待嘉客來侑談常
晝永

送王介甫知毘陵

吳牛常畏熱吳田常畏枯有樹不蔭犢有水不滋耨孰知
事春農但知急秋租太守追縣官堂上怒奮鬚縣官促里
長堂下鞭朴俱不體天子仁不恤黔首逋借問彼爲政一

一何所歎今君請郡去預喜民將蕪每觀二千石結束辭
國都絲鞵加錦緣銀勒以金塗兵吏擁後隊劔槌盛前驅
君又不若此革轡障泥烏款行問風俗低意騎更驚下情
靡不達畧細舉其麤曾青爲衆異亦固爲世趨學詩聞已
熟愛粟理豈無

送余少卿知睦州

青山峽裏桐廬郡北里灘頭太守船雲霧未開藏宿鳥坡
原將近見曉田養茶摘藥新春後種橘收包小雪前民事
蕭條官政簡家書時問晉溪邊

重送曾子固

楚澤多年一卧龍新春雷雨起鱗蹤誰知天上爭騰躍偶

落池中雜噉鴨且自推藏隨浪去何當駕馭使雲從劉累
只說古來有暫屈泥蟠莫便慵

永叔內翰遺李太博家新生鴨脚

此人見鴨脚南人見胡桃識內不識外疑若橡栗謂鴨脚
類綠李其名因葉高吾鄉宣城郡每以此爲勞種樹三十
年結子防山獠剝核手無膚持置宮省曹今喜生都下薦
酒壓葡萄初聞帝苑夸又彼主第聚藥鼎誰採掇玉椀上
金釐金釐文章宗分贈我已叨豈無異鄉感感此微物遭
一世走塵土鬢顚得霜毛

依韻和永叔久在病告近方赴直道懷見寄二章

洛堂深殿近皇居秋夕詞臣直宿初宮女穿針爭落月宮

奴持燭看殘書萬家乞巧心無繇銀漢飛光望有餘
天上
江山夢猶熟五更寒雨過簾疎
玉轡瓏璚出綠宮青槐嘶道曉烟中塵頭尚裏洗車雨馬
耳前趨吹簫鳳聞說
將身許國不須仍以醉爲公我今
才薄都無用六十棲棲未歎窮

蘇軾依韻和永叔秋日東城郊行
郊原物老莽然中興典驅車向四東夾道翁園迷屈曲壓
枝秋實亂青紅寒畦覆綠塲收菜野蝶雙飛尚繞叢田父
欣來問行客依稀還似鬪鷄翁
和楊直講夾竹花圖

桃花天紅竹淨綠春風相間連溪谷花留蜂蝶竹有禽

月江南看不足徐熙下筆能逼真
預素畫成纔六幅萼繁葉密有
向背枝瘦節疎有直曲年淡粉
剝見墨蹤描寫工夫始驚俗從
初李氏國破亡圖書散入公侯
族公族三世多衰微竊貿檐頭
由婢僕太學楊君固甚貧直緣
識別爭來鬻朝質綈袍暮質琴
不愛明日鎔無粥裝成如得驪
頤珠誰能更問龍牙軸竹真似
竹桃似桃不待生春長在目

依韻和永叔戲作

琵琶轉撥聲繁促學作饑禽啄
寒木木蠹生蟲細穴深長喙敲
鏗未充腹擺弦疊響入衆耳發
自淡林答空谷上弦急逼下弦
清正如螳螂出蟬聲坐中賓歡
呼酒飲門外客疑將欲行主人
語客客莫去彈到古樹裂丁丁
內賓外客

曾未聽乍聞此曲無不驚
還憶昭君入胡虜烏孫帳下邊
馬鳴安知如今有樂事能使女奚飛玉觥
女奚年小殊流俗十月單衣體生粟
言事關西楊廣文廣文空腹貪教曲
曲奇譜新偷法部妙在取音時轉軸
翰林先生多所知又笑畫圖收滿屋
不肯那錢買珠翠任從堆插堦前菊
功曹時借乃許出他日求觀龜殼縮
我嗟老鈍不如渠幸得交朋時借娛
但樂休計有與無

江鄰幾暫來相見去後戲寄

低頭拜我蒼髯翁來如飛鳥去如風
一夕共飲斗柄北平明已向函關東
衆中舊騎跛鼃馬塞下新買連錢驄
疾驅似逐鄧林目不肯暫住行何窮

和韓欽聖學士襄陽閒喜亭

亭欄下望漢江水淨綠無風寫鏡明日脚穿雲射洲影槎
頭擺子出潭聲橈帆落處遠鄉思砧杵動時歸客情使者
徘徊有佳興高吟不減謝宣城

依韻和吳長文舍人對雪懷永叔內翰

紫禁低雲拂綺櫳西垣人憶玉堂翁撚髭覓句方傳詠著
樹成花尚舞空不管因風吹塞外任教飛片落杯中曉來
城廓遮無路阮藉驅車莫嘆窮

送少卿知宣州

先歸雪上

汴水清明下宣城太守行鴨頭吳蕩綠燕尾楚船輕族本
三陽重詩從小謝清州民還最喜門下舊通名

次韻和永叔嘗新茶雜言

自從陸羽生人間人間相學事春茶當時採摘未甚盛或有高士燒竹煮泉爲世誇入山乘露掇嫩菁林下不畏虎與蛇近年建安所出勝天下貴賤求呀呀東溪北苑供御餘王家葉家長白芽造成小餅若帶鐫圖浮闌色頂夷華味久迴甘竟日在不比苦硬令舌窒此等莫與北俗道只解白土和脂麻歐陽翰林最別識品第高下無畝斜晴明開軒碾雪末衆客共賞皆稱嘉建安太守置書角青藕包封來海涯清明纔過已到此正是洛陽人寄花兔毛紫盞自相稱清泉不必求蝦蟆石餅煎湯銀梗打粟粒鋪面入驚嗟詩腸久饑不禁力一吸入腹鳴嚙哇

永叔內翰見索謝公遊嵩書感歎希溪師魯子聰幾
道皆爲異物獨公與余二人在因作五言以叙之

昔在洛陽時共遊銅駝陌綠花不見人前代公侯宅溪堂
鎖塵埃空壁闢蜥蜴挾陰布苔綠野蔓纏石碧池魚有偷
釣林鳥有巧射園隸見我來朱門暫開闢園婦見我還便
掃車馬跡何以掃馬跡實亦畏他客我輩惟適情一葉未
嘗摘他人或所至生菓不得惜又憶遊嵩山勝趣無不索
各具一壺酒各蠟一雙屐登危相扶牽遇平相笑噓石搗
雲末輕巖列天牕窄上飲醒心泉高顛溜寒液下看峰半
雨廣甸非甘澤夜宿岳頂寺明月入戶白分吟露氣冷猛
酌面易赤明朝循歸途兩脰痛苦刺日盱就馬乘香艸路

迺阨却望峻極居已與天外隔薄暮投少林漱濯整冠幘
碑觀巡幸古僧定指空壁誓將詠新章燈前互詆撻楊生
護已短一字不肯易明年移河陽簿書日堆積忽得謝公
書大夸遊覽劇自嵩歷石堂薛花題洞額其文曰神清固
非人筆畫乃知二公貴逆告意可贖遂由龍門歸里堠環
數驛我時詩已荅或歌或辨責責我不喜僧性實未所獲
凡今三十年繫塚拱松柏惟公與非才同在不同昔昔日
同少壯今且異肥瘠昔日同微祿今且異烜赫昔同騎破
韉今控銀轡革昔同自謳歌今執樂指百死者誠可悲存
者獨窮厄但比死者優貧有何所益

永叔內翰見過

我居城東隅地僻車馬少忽聞大尹來僮僕若驚鳥入門
且坐笑豐頰光皎皎問我餐若何依舊抱糜麩問我詩若
何亦未離纏繞我庭有藜莧不堪秣騷褊我壺無醪醴不
能犒介紹乃喜百事稀來此與世矯固非傲不徃心實厭
擾擾

江鄰幾沈文通二學士見過

東城車馬多巷無蹄與轍如何二賢豪侵晨顧衰繭喜言
雨後涼早暮脫炎熱愛子屋室靜塵土都已絕不惟清耳
目亦粗養愚拙江碑讀頭陀沈賦賞雖寬固知世德高學
問冠時哲我慙於其間荆華叅蟻垤然推鵬鷗分白足不
少別君歸邀此吟把筆強搜抉

和次道省中初直

江南太守歸夜直省中闌霜氣冷侵被月光斜入扉官奴
休執燭侍史正熏衣展轉不成寐幽懷吟更微

雷逸老以做石鼓文見遺因呈祭酒吳公

石鼓作自周宣王宣王發憤蒐岐陽我車我馬攻旣良射
夫其同弓矢張舫舟又漁罽鱗鯢何以貫之維柳楊從官
執筆言成章書在鼓腰鐫刻藏歷秦漢魏下及唐無人著
眼來形相邛童戲坐老死喪世復一世如烏翔惟閣元和
韓侍郎始得紙本歌且詳欲以擅末歸上庠大官媿阿馳
肯將傳至我朝一鼓亡九鼓缺剝文失行近人偶見安雅
牀亡鼓作曰刻中央心喜遺篆猶在傍以曰易曰庸何傷

以石補空恐春梁神物會合居一方雷氏有子胡而長日
模月做志莫强聚完辨舛經星霜四百六十飛鳳凰書成
大軸綠錦裝偏斜曲直筋骨臧攜之謁我巧趨蹌我無別
識心傍徨雖與乃父非故鄉少與乃父同盃觴老向太學
賢已蒼樂子好古親縑緗誰能千載師史蒼勤此冷淡何
肝腸而今祭酒裨聖王五經新石立兩廊我欲効韓非癡
狂載致出關無所障至寶宜列孔子堂固勝朽版堆屋牆
然須雷生往度量登車衆護今相當誠非急務煩紀綱太
平得有朝廷光山水大字輦已嘗於此豈不同批糠海隅
異獸乘舟航連日道路費芻糧又與茲器殊柔剛感慨作
詩聊激昂願因諫疏投皂囊夜觀奎壁正吐芒天有河鼓

亦焜煌持此負鼎干成湯

寄西京通判宋次道學士

當時交友都無幾欲問歡娛亦異今
花接上林新木變冰分清洛舊池淡
嵯峨嵩色雲常在窈窕宮牆艸又侵
修竹千竿白家寺昔年題處可能尋